

## **Universitätsbibliothek Paderborn**

### **De Phiala Reliqviarvm S. Agathae Virginis Et Martyris Dissertatio**

**Wiltheim, Alexandre**

**Augustae Trevirorum, 1656**

Capvt VI. Laguncula vitrea fracta ex altera lipsanotheca Machariacensi.  
Haec superiori lipsanothecae, in qua lenticula S. Agathae, plane similis.  
Laguncula alia Belreperiana, eius formae, qua est ...

**urn:nbn:de:hbz:466:1-10156**

## CAPVT VI.

*Laguncula vitrea fracta ex alterâ lipsanothecâ Machariacensi. Hac superiori lipsanotheca, in quâ lenticula S. Agathæ, plane similis. Laguncula alia Belreperiana, eius forma, quæ est fracta Macharia-censis. In utrâque oleum S. Catharinae. Id ex monte Sinaj videntur atculisse proceres Belreperi. S. Catharinae deuoti. Ijdem lenticu-lam S. Agathæ ex itinere Palæstina reportauerint. Quando id vi-deatur factum?*

**Q**VI mihi lenticulam hanc S. Agathæ donauit, Vir venerandus Caro-lus Rachtius, idem deinde pro suâ humanitate addidit lagunculam exilem reliquiarum, sed quod maximoperè dolendum, supernè effra-  
stam & titulo carentem. Materia eius vitrum imprimis castigatum, ut crystalli speciem præbeat: colos, purpura multum diluta; extrà fundum, qui densior, pyropi in modum gratissimè rutilat: venter in ambitum extensus, sed mediâ regione retrusus & complanatus in pisi modici crassitudinem. Figuram eius ~~dedicauit~~ cum ceteris phialarum imaginibus. Intus hæret grumus magnitudine ciceris, atque hinc inde per latera maculæ coloris subflavæ & fusci quale & fû-dis sedimentum. Hæc porrò laguncula, non ex eâ, quæ D. Agathæ reliquias continebat, lipsanothecâ desumpta est, sed ex aliâ planè consimili & geminâ. Artificium quippe utriusque vnum est: in utrâque dispositi per certa interual-la vnius formæ & structuræ puluilli: tituli in utrâque pares, vnâ eademque manu exarati. Ex quâ tantâ lipsanothecarum similitudine pro haud dubio colligebam, ab uno artifice eodem tempore factas, ijsque vnâ operâ inditam utramque phialam. Quo fit, ut credibile admodum sit, utramque vnius esse munus, uno à loco profectū; quod & sequentia magis patefecerint. Quare, si vnde earum altera allata sit, ostendero, id quoque intelligar perfecisse de alterâ. Quid si igitur argumento valde probabili demonstrauero, laguncula fracta, purpurea, titulo destituta, quæ in alterâ lipsanothecarum fuit, vnde Machariacum peruennerit? Age, id connitamus.

Hæc laguncula quoniam erat absque titulo, tanto acrius incusit deside-rium, quid ei inesset, explorandi. Primò igitur inieci aquam. Quæcum gru-mum, quem dixi, & fundi sedimentum leuiter alluisset, apparuit prorsus ille tinctus, qui est marcidis Autumno folijs & iam iam arescentibus. Sanguinem esse

esse concretum, propè aberat, ut opinarer, nisi grumus ille post lotionem croceus, aquam constanti duritie respuisset. Hærenti mihi inter has probatoines, fortè Christophorus Wilhemius noster retulit, visam sibi inuperrimè in templo parœciæ Belreperianæ est Belreperium arx cum municipio, vix primo lapide à Machariaco; *Berpurgum* dicimus) lagunculam cum titulo reliquiarum olei S. Catharinæ virginis & martyris de monte Sinaj: lagunculam esse huic nostræ æqualem & consimilem. Quæ cum ita accepissem, lagunculæ illius iconem Belreperio petui; quam deinde in æneam tabulam incidi, vñaque cum imagine lagunculæ nostræ excudi curauit; quarum formas vides sibi inuicem absolutissime respondere; nisi quod è densiore fundo nostræ pars excussa, lacunam reliquit, fabæ dimidiæ capacem. His ita se habentibus, grumum, quem dixi, ex lagunculâ Machariacensi exemi, si forte nidor oleum, quod suspicabar, ostenderet. Nec falsus sum, sed planissime olei rancidi odor sese prodidit, & grumus antea durus & irresolubilis, in pingue tenacem matteriam cessit. Tum ergo exploratè intellexi, hanc quoque nostram lagunculam, illi, quæ in Belreperiano templo, tam vicinam, tamque per omnia geminam, oleum quoque S. Catharinæ continere oportere. Quoniam autem vtræque laguncula, & Belreperiana, & Machariacensis, tam loco vicinæ & formâ tam similes, oleum D. Catharinæ continerent, hinc argumentabar, haud dubie vtramque vnius esse donum. Sed quis donator ille? Sit huic quoque quæstioni locus.

Scribit Cæsarius Heisterbacensis octauo Dialogorum, LXXXVI. capite de reliquijs nonnullis D. Catharinæ oleo stillantibus, moxque addit: *Sed quid dicam de guttâ, cum eius sacra tumba, sicut hi, qui in instanti de Sinâ venerunt, testantur, oleo sit repleta?* viderunt enim caput eius cum capillis & ossibus natare in oleo: de quo cum à monachis loci diuersa vascula sacri liquoris reciperent, tam nobis, quam ceteris religiosis reverentes eadem pro benedictione deuiserunt. Vides monachos Sinaitas diuersa vascula sacri liquoris reverentibus donâsse, quorum vasculorum tam Cæsarius, quam ceteri religiosi facti sint participes. Fuit autem Cæsario multa cum Treuirorum alijsque nobis finitimis monasterijs consuetudo: multa etiam cum viris nostræ & Treuirensis prouinciæ nobilibus, ut in Dialogis, qui exstant, & in supplemento, quod nondum editum, sed truncum aliquot capitibus habemus, passim videre licet. Iam hinc proliuis conjectura est, vel Cæsarium horum vasculorum aliqua donâsse proceribus Belreperianis, vel certe ipsos potius Belreperianos proceres pro more virorum equestrium in Palæstinam profectos, aditoque per venerationem monte Sinai,

mai, ibi à cœnobitis vascula accepisse, & deinde reduces, Cæsario ceterisque distribuisse, parte aliquâ reseruatâ, quam tum domi, tum in vicino Macharia-  
co, per templa parœciarum diuiderent, vnde sint hæ modo S. Catharinæ oleo  
venerabiles lagunculæ.

Quæ omnia si speciem veri habent, probabilis quoque erit consequentia,  
lenticulam nostram D. Agathæ, quam ostendimus à superioribus Macharia-  
censi & Belreperianâ lagunculis esse inseparabilem, tum quoque allatam ex iti-  
nere Palæstinæ, ad quam tota olim Europa per omnia maria, omnes insulas  
& portus effusa, ingentes reliquiarum thesauros reportauit.

Fuit autem Belreperianagen sancè prænobilis, eiusque proceres iam inde  
ab annis amplius quingentis hos in tabulis antiquis reperiebam:

*Anno MCCXCII. Arnoldus de Rupe & Cono de Belrepere frater eius.*

*MCCXXXIII. Wiricus de Beaurepaire.*

*MCCXXXIV. Idem.*

*MCCXXXVI. Idem.*

*MCCXXXVII. Idem.*

*MCCXLIII. Idem.*

*MCCLV. Hugo miles de Berpurg, & Wiricus dominus de Berepaire, idem qui  
supra.*

*MCCLXXXIX. Ioannes de Biaurepaire.*

*MCCXCVIII. Idem.*

*MCCCIX. Idem & Wiricus eius filius.*

*MCCCX. Idem Ioannes.*

*MCCCXIV. Idem Ioannes & Wiricus.*

*MCCCXV. Wiricus de Berberg, Ioannis, ut videtur, filius, Institiarius nobi-  
lium comitatus Luciliburgensis.*

*MCCCXXVII. Wiricus dominus in Berberg, armiger.*

*MCCCLI. Wiricus dominus de Berpurg, Index nobilium comitatus Lucilibur-  
gensis.*

*MCCCLIV. Idem.*

*MCCCLVII. Idem.*

*MCCCLIX. Idem.*

*MCCCLXII. Wiricus de Berberg, miles, sepultus Epternaci in adiculâ S. Ca-  
tharinæ; de quo infra.*

*MCCCLXXII. Wiricus dominus in Berberg.*

*MCCCLXXV. Idem.*



Hi ergo hactenus inueniuntur ex gente illa prænibili, in quâ deinceps Gu-dahæres, enupsit in Gimnichianam stirpem æquè nobilem. Sed nō est præ-reundum, quod Wiricus de Berreperio Epternaci, propè ab arce suâ, in ædi-culâ D. Catharinæ situs est. Ædicula enim illa sub annos M C C X X XI. & M C C X X X V I I. originem accepisse videtur. Nam tabulis Epternacensi-bus anni M C C X X X I. traditur, Gisilbertum militem & fratrem eius Thomâ, & filios fratris eius Ludouici defuncti, Giselbertum & Godefridum, vendi-disse abbati mansum vnum Kefinganum pro facello S. Catharinae. Alijs item an-ni M C C X X X V I I. Thomam nobilem virum de Petrâ, eiusque coniugem A-leidem, probantibus, filio Thomâ, & filiabus Margaritâ & Idâ, & fratribus suis Theofrido & Eliâ, allodium Geigense donasse altari S. Catharinae Epternaci. Proceres deinde Berreperiani ædiculam illam præcipuâ religione & liberali-tate prosecuti sunt, vt in tabulis ac monumentis Epternacensisbus videre est.

Anno M C C C X X X V . Wiricus domicellus de Berperch, cum Iuttâ coniuge, pro amâ vini & modio grani, quæ auus & pater eius, ambo Wirici de Berperch, monasterio Epternacensi in parentalia annua donauerant, modios duos sili-ginis decernit.

In ædiculâ item D. Catharinæ situs est, uti diximus, Wiricus de Berpergh, hoc epitaphio:

ANNO. DOMINI M. CCC. LXII. DIE PARASCEVES. OBIIT DOMINVS  
WIRICVS. DE. BERPERGH. MILES. CVIUS. ANIMA. REQUIESCAT. IN. PA-  
CE. AMEN.

Anno M C C L X X I X . Gudade Hoenberch, domina in Berpurch, denos mo-dios, quâ siliginis, quâ frumenti, donat altari S. Catharinae Epternaci, impe-ratque sacrificium hebdomadarium.

Anno M C D X L V . Gudela de Baderko, domina in Berpurg, nobilis viri Erhar-di de Gimnich domini in Berpurg relictæ vidua, addit siliginis modios V. florenos Rhenenses V. memoratque, Gudam de Hoenberg, & Iohannettam de Redemacher, nobilium virorum Wirici patris, & Wirici filij eius, dominorum in Berpurch relictas viduas, altare S. Catharinae Epternaci annuo reditu donasse.

Denique in eâdem ædiculâ tumulus est talis titulo:

ANNO. DOMINI. MDXXXIII. XXI. DIE. NOVEMBRIS. OBIIT. ILLVS-  
TRIS. DOMINA. ELISABETH. DE. NOVO. CASTRO. COMITISSA. IN. MAN-  
DERSCHEIDT. BLANCKENHEIM. D. IN. SCHLEIDEN. CASTRO. SVPER  
MOSELLAM. CRONENVRGK. ZOLVIR. ET BERBURGH. CVIUS. ANIMA  
REQUIESCAT. IN. PACE.

Ex

Ex quibus utique appareat, fuisse in gente Belreperianâ cultum aliquem præcipuum S. Catharinæ, eiusque oleum ex monte Sinaj proceres eius familiæ quondam attulisse, prout diuinabamus. Isdem autem proceribus de viâ Siciliam fortè aliâue loca adeuntibus, facile fuit ibi reliquias nostras S. Agathæ pro auctoritate suâ impetrare, & patriæ inferre.

Atque ut tempora quoque his coniecuris sua accommodemus, scripsit dia-  
logorum libros Cæfarius anno fermè MCCXXII. Eum enim annum libro X.  
capite XLVIII. præsentem vocat; & in capite I. supplementi ista verba posuit:  
*anno gratia MCCXXIII. circa Pentecosten contigit, quod dicturus sum.* Redièrē  
autem ex Palæstina qui olei D. Catharinæ vascula Cæfario alijsque attulere,  
*in instanti, ut ipse ait, hoc est, nisi fallor, eodē, quo Dialogos condebat, anno.*

Quare, cum probabiliter disputauerimus, lenticulam D. Agathæ indi-  
dem profectam, vnde diffracta Machariacensis laguncula: cum deinde huius  
consimilem, &c, ut ita dicam, sororem geminam esse illam Belreperianam, ser-  
uaticem reliquiarum D. Catharinæ, haud minus verè ostenderimus: cum  
postremo hæ ciudem D. Catharinæ oleariæ lagunculæ planè sub annum  
MCCXXII. à Belreperianis toparchis ex Palæstina huc delatae esse videantur;  
reliqua est conclusio, ut iſdem latoribus, eodem itinere, eodem tempore len-  
ticula nostra D. Agathæ in has horas peruererit.

Et temporum quidem alia non leuis accedit nota, quod reliquiæ lipsano-  
thecarum Machariacensium, vnde phialæ nostræ desumptæ sunt, fuis inuolu-  
cris à nobis explicatæ, atque aperte, titulos alios internos preferebant, eo cha-  
ractere & litterarum forma scriptos, quo circà annum MCCXXII. vtebantur.

Superest nunc, ut de lenticulæ titulo differamus.

### C A P V T VII.

*Quando constructæ lipsanothecaæ Machariacenses? Inscriptio lenticu-  
la non mutata à constructoribus lipsanothecarum, sed ex antiquita-  
teretenta. Commendatio reliquiarum nostrarum S. Agathæ.*

**S**chedia externa membranacea tam lipsanothecarum, de quibus supra  
scripsi, quam lenticulæ nostræ modo addita, litteras habent ducentis ab  
hinc annis exaratas, ut facile est deprehendere ex veterum eius ætatis li-  
brorum scripturis. Quæ res demonstrat lipsanothecam, ex quâ lenticula de-  
cerpta est, ante totidem annos esse compositam, titulis tamen, ut neccesse est,  
ex antiquitate descriptis & retentis. Quod exinde quoque intelligo, quod vir-  
go tantum, & non etiam martyr S. Agatha inscribitur; more scilicet antiquo,

cum:

